



# IONAD TYRONE GUTHRIE SPARÁNACHT TREOIRLÍNTE



Comhairle Cathrach na Gaillimhe  
Galway City Council

## **Clár**

Réamhrá .....	3
Aidhmeanna agus cuspóirí na sparánachta .....	3
Daoine atá incháilithe maidir le cur isteach ar an Sparánacht .....	3
Critéir.....	4
Measúnú .....	4
An tIarratas a Chur Isteach.....	5
Coinníollacha maidir le hIarratasóirí a nÉiríonn Leo .....	5
Saoráil Faisnéise .....	6
Cosaint Sonraí.....	6
Fiosruithe .....	6

# Réamhrá

## An Dáta Deiridh d'Iarratais: Dé hAoine, an 19 Eanáir 2026 ag a 4.00

i.n.

Tairgíonn níos mó ná 27 údarás áitiúil ar fud Oileán na hÉireann sparánachtaí a chuireann ar chumas ealaíontóirí tréimhse coicíse a chaitheamh in Ionad Tyrone Guthrie. Clúdaítear costas bia agus leapa, móide úsáid as stiúideo má theastaíonn sin, faoin sparánacht. Is cúis ríméid d'Oifig Ealaíon Chomhairle Cathrach na Gaillimhe an deis seo a thairiscint d'ealaíontóirí a bhfuil cónaí orthu i gCathair na Gaillimhe. Tá eolas níos mine faoi Ionad Tyrone Guthrie ar fáil ar [www.tyroneguthrie.ie](http://www.tyroneguthrie.ie)

## Aidhmeanna agus cuspóirí na sparánachta

- (i) Fónamh do réimse leathan ealaíontóirí maidir le spás agus tréimhse ama a thapú i mbun infheistíocht a dhéanamh ina ngnás pearsanta, gairmiúil agus ealaíne.
- (ii) Fónamh d'ealaíontóirí i mbun a gcuid saothair a chur i láthair an phobail dár díobh iad, le taispeántais, taibhréimeanna, léitheoireacht agus torthaí poiblí eile.
- (iii) Treisiú le comhpháirtíocht Ionad Tyrone Guthrie le húdaráis áitiúla agus feidhmiú mar mhórbheart comhair idir Tuaisceart Éireann agus Poblacht na hÉireann.

## Daoine atá incháilithe maidir le cur isteach ar an Sparánacht

- (i) Saothraithe Aonair Cruthaitheachta a shaothraíonn sna réimsí seo a leanas:

Ailtireacht	Ealaín Fuaime
Ealaíona Pobail	Amharclannaíocht
Sorcas	Ealaíona Traidisiúnta
Ealaíona Digiteacha	Ildánaíocht
Damhsa	Ceol
Féile	Ceoldrámaíocht
Scannánaíocht & Físeáin	Amharcealaín
Litríocht	

- (i) Is acu siúd amháin a chónaíonn i limistéar riaracháin Chomhairle Cathrach na Gaillimhe atá deis cur isteach ar an sparánacht seo. Más i gContae na Gaillimhe atá cónaí ort, bíonn scéimeanna den chineál céanna ag Oifig Ealaíne Chomhairle Chontae na Gaillimhe a bhféadfá cur isteach orthu.

## Critéir

<b>A</b>	<b>Ardchaighdeán agus Ardraidhm Ealaíontóireachta</b> <ul style="list-style-type: none"> <li>- Caighdeán do chuid saothair agus do mhodh oibre</li> <li>- Fianaise go bhfuiltear ag saothrú maidir le taispeántas, foilseachán nó taibhréimeanna a mbeadh tréimhse cónaitheachta san Ionad ina chúnaimh láidir ina leith</li> </ul>	25%
<b>B</b>	<b>Ardchaighdeán Samplaí Saothair agus Cúlra Ealaíne</b> <ul style="list-style-type: none"> <li>- Cúlra do shaol ealaíne agus teist chruthanta ar shaothrú na healaíne agat a mheas</li> <li>- Fianaise ar bheart suntasach i do rogha réimse nó ar chuid mhór acmhainneachta ina leith</li> </ul>	25%
<b>C</b>	<b>An Toradh Ionchais ar Fhorbairt Ealaíontóireachta an Duine</b> <ul style="list-style-type: none"> <li>- Cibé an mbeidh toradh tairbheach sochrach ag an saothar seo ar shaothrú/shaol ealaíne an ealaíontóra</li> </ul>	25%
<b>D</b>	<b>Indéantacht</b> <ul style="list-style-type: none"> <li>- Soiléire an togra a chuirtear i láthair agus ar mian leat a bhaint amach de thoradh an tréimhse in Ionad Tyrone Guthrie</li> <li>- An acmhainn atá ionat an saothar a dhéanamh agus dea-thoradh air a thabhairt i gcrích</li> </ul>	25%

## Measúnú

Déanann painéal gach iarratas a mheas. Ní bheidh meitheal na hOifige Ealaíon ar fáil le haghaidh cruinnithe le hiarratasóirí an fhad a bhíonn próiseas na sparánachta ar siúl. D'fhéadfaí iarratais a dhícháiliú mar gheall ar chanbhasáil.

Ní mór na nithe seo a leanas a bheith ag gabháil le gach iarratas:

- Cruthúnas maidir le Seoladh

- CV – 2 leathanach ar a mhéid
- Sampla de do chuid saothair lena dtabharfaí san áireamh - íomhánna, téacs, ceapadóireacht, fuaim agus/nó físeán.

## **An Iarratas a Chur Isteach**

Seolfar admháil fhoirmeálta maidir le d'iarratas, sula mbíonn coicís caite ón dáta deiridh iarratais. Is ortsa atá an cúram scéal a chur chuig an Oifig Ealaíon ag [arts@galwaycity.ie](mailto:arts@galwaycity.ie) mura dtagann an admháil sin chugat lena linn sin. Ní mór duit a chinntiú go bhfuil an cháipéisíocht ar fad a iarrtar faoi cheangal leis an bhfoirm iarratais ar líne. Ní bheidh iarratas uait bailí mura ndéanann tú:

- Foirm iarratais atá líonta isteach go hiomlán a chur faoi bhráid
- An cháipéisíocht uilig a iarrtar a chur faoi bhráid leis an bhfoirm iarratais (ní féidir glacadh le cáipéisíocht breise tar éis an dáta deiridh iarratais Dé hAoine, an 13 Aibreán 2026 ag a 4 i.n.

Nóta –

Cuireann aon iarracht stocaireachta an t-iarratasóir as an áireamh. Déantar gach iarratas a mheas bunaithe go huile agus go hiomlán ar ábhar an iarratais mar a thagann sin.

## **Coinníollacha maidir le Iarratasóirí a nÉiríonn Leo**

- Ní mór don tréimhse cónaitheachta tarlú idir an 1 Deireadh Fómhair 2026 agus an 15 Deireadh Fómhair 2026
- Ní mór Comhairle Cathrach na Gaillimhe a lua i ngach ábhar poiblíochta, preasa agus margaíochta a chuirtear ar fáil i ndáil leis an tréimhse cónaitheachta agus aon toradh ealaíne air i gcómhréir leis na Treoirínte Admhála, anseo.
- Sa chás go ndéantar togra a athrú, a chur ar atráth nó ar ceal – go hiomlán nó i bpáirt – ní mór caidreamh a dhéanamh leis an Oifig Ealaíon leis an gcás a phlé.
- Ní mór cuntas i scríbhinn ar ar taithíodh le linn an tréimhse cónaitheachta, an tionchar ar ghnás saothraithe an ealaíontóra san áireamh, a sheoladh chuig an Oifig Ealaíon taobh istigh de choicís ó dheireadh a theacht leis an tréimhse cónaitheachta.

# Saoráil Faisnéise

Tá fáilte romhat aiseolas a iarraidh faoin gcúis nár éirigh le d'iarratas. Moltar go mór duit sin a dhéanamh ó d'fhéadfadh sé a bheith ina chabhair agat maidir le hiarratas ar sparánachtaí eile san am atá romhainn. Beidh sonraí faoi na hiarratasóirí a n-éiríonn leo á bhfoilsíú ar an láithreán gréasáin agus ar chainéil meán sóisialta Chomhairle Cathrach na Gaillimhe.

Glacann Comhairle Cathrach na Gaillimhe uirthi féin, aon fhaisnéis a chuireann iarratasóir ar fáil a choinneáil faoi rún, faoi réir ag a leagtar de dhualgas ar an gComhairle faoin dlí, an tAcht um Shaoráil Faisnéise 2014 san áireamh. Iarrtar ar iarratasóirí smaoineamh an bhfuil aon chuid den fhaisnéis a chuirtear ar fáil nár cheart, mar gheall ar chúrsaí íogaire, é a scaoileadh amach ar an gcaoi sin. Más amhlaidh an cás, ba cheart d'iarratasóir, an tráth a mbíonn an fhaisnéis á cur ar fáil, í a thabhairt chun suntais agus na cúiseanna go bhfuil an fhaisnéis sin íogair a chur in iúl go sonrach. Sa chás nach sonraítear faisnéis a bheith íogair agus nach measann Comhairle Cathrach na Gaillimhe, ar an gceist a bhreithniú, go bhfuil sí íogair, tá i ndán sa chás sin go bhféadfaí faisnéis a scaoileadh amach mar gheall ar iarratas Saorála Faisnéise gan dul i gcomhairle arís leis an iarratasóir. Rachaidh Comhairle Cathrach na Gaillimhe i gcomhairle le hiarratasóirí faoi fhaisnéis íogair sula ndéantar aon chinneadh maidir le hiarratas ar Shaoráil Faisnéise a thagann isteach.

## Cosaint Sonraí

Is i gcomhréir leis an bPolasaí maidir le Cosaint Sonraí a choimeádfar an fhaisnéis phearsanta a fhaightear. Ar fáil [anseo](#).

## Fiosruithe

Seoltar aon cheist chuig meitheal na hOifige Ealaíon ag [arts@galwaycity.ie](mailto:arts@galwaycity.ie) le “Fiosrú faoi Tyrone Guthrie 2026” sa líne maidir le hábhar na teachtaireachta.